

SWIKOWETO SWA TSEVU SWA MBYANA LEYI NGA NA VUVABYI BYA RIHUHU-MBYANA LESWI VINI VA SWIFUWO VA FANELEKE KU SWI LANGUTISA



Rihuhi-mbyana i vuvabyi lebyikulu lebyi vangiwaka hi xitsongwatsongwana lexi hlaselaka nkatsakanyo wa mafambiselo ya misiha ya swiharhi na vanhu. Swiharhi leswi nga vuvabyi bya rihuhi-mbyana swi nga ha kombisa "xivumbeko xo penga" xa vuvabyi bya rihuhi-mbyana kumbe "xivumbeko xa ximumu" vuvabyi bya xa rihuhi-mbyana. Eka xivumbeko xo penga, swiharhi swikombisa nchavo wa xikarhana lowu nga hlamuselekiki, ku nyanyuka na vukarhi, kasi eka xivumbeko xa ximumu, swiharhi swi tala kuva na ntshikelelo lowu nga tolovengaki na ku yingisa. Swiharhi swi nga sungula ku kombisa swikombiso endzhaku ka mavhiki kumbe tinhweti loko swi lumiwile kumbe ku n'wayiwa hi xiharhi lexi nga na vuvabyi bya rihuhi-mbyana, laha hi nkarhi walowo mhangu yi nga va yi rivariwile. I swa nkoka swinene leswaku vini va fanele ku tivonela eka ku languta matikhomelé ya swiharhi na ku langutisa swikombiso leswi nga kaneriwa laha hansi. Loko kuri xifuwo xa wena xale kaya xi nga tshunguriwanga hi ku hetiseka eka vuvabyi bya rihuhi-mbyana naswona xi nga langutisiwanga kusuhi na swiharhi leswinga tshunguriwangiki, swale kaya na swa nhova, i swa nkoka ku ri ku nga bakanyeriwi etlhelo vuvabyi bya rihuhi-mbyana. Loko mbyana ya wena yi kombisa swikoweto leswi landzelaka, yi fanele ku yisiwa eka dokodela wa swiharhi handle ko hiwela ku kambela xivan-gelo xa swikombiso na ku ala kumbe ku tiyisisa vuvabyi bya rihuhi-mbyana.

1. KU CINCA KA MAHANYELO

Ku cinca ka mukhuva i xin'wana xa swikombiso swo sungula naswona i swikombiso leswi tivekaka ngopfu eka vuvabyi bya rihuhi-mbyana. Timbyana leti rhuleke na leti debyeke ti nga pfilunganyeka kumbe ku leva naswona ti nga nghingiringekka kumbe ku leva ngopfu ti nga tela na hi ku chava, tingana kumbe ku yingisa. Ku cinca ka mahanyelo swi nga endleka ku ngari mikarhi hinkwayo swivangiwaka hi vuvabyi bya rihuhi-mbyana kambe mbyana yi fanele ku lavisiswa loko ku ri na khombo ra rihuhi-mbyana. Ku cinca ka mahanyelo eka mbyana leyi nga na vuvabyi bya rihuhi-mbyana yi nga va na ngozzi swinene. Ku cinca loku ku nga vanga leswaku mbyana ya wena yi kelema na ku ringeta ku luma kumbe ku hlasela handle ka ku pfukeriwa matimba. Loko mbyana yi ri na rihuhi-mbyana naswona yi luma xiharhi kumbe munhu, vuvabyi bya rihuhi-mbyana byi nga tlulela hi ku olova ku suka eka mbyana ku ya eka mutswiswakuvava.

2. FAMBELO RO DEDELEKA

Fambelo ro dedeleka kumbe ro gombonyoka i xin'wana xa swikombiso leswi fambelanaka na vuvabyi bya rihuhi-mbyana eka timbyana. Swi languteka onge mbyana yi lahlekela hi fambelo kumbe yi "popiwile". Swinga endleka leswaku xikombiso xi nga endlwa xihoxo tani hi swiphigo swin'wana swa rihanyo, langutisia mbyana ya wena hi vurhon'wana loko yo tshuka yi tumbuluxa fambelo ra ndhedeleko, leswi nga vangiwakiki hi ku vaviseka loku nga erivale-ni. Ku fambafamba kuri hava xikongomelo i xikombiso lexi ehleketeleriwa xa rihuhi-mbyana.

3. KU TIKERIWA KU MITA/ VUVABYI BYA RHAMBU-ENKOLWENI

Vuvabyi bya rihuhi-mbyana byi nga vanga ku khwanyana ka misiha ya nkolo na ku endla leswaku swi tika kumbe swi nga koteki ku ri timbyana ti mita. Timbyana ti nga tlhela ti humesa min'wala na ku n'wan'warhutela enon'wini kumbe enkolweni wa tona naswona vini va tona va nga ehleketa leswaku mbyana yi na swin'wana swofana na rhambu leri ri yi tlimeke enon'wini kumbe enkolweni. Va na na vukheta loko u kambela mbyana leyi kombisaka xikombiso lexi, ngopfungopfu loko ku ehleketeriwa vuvabyi bya rihuhi-mbyana, tanihi hi leswi vuvabyi bya rihuhi-mbyana byi nga hangalasiwaka hi marha.

4. KU PHOMA RIHLAKAHLA KU TLULA MPIMO

Ku phoma rihlakakahla ku tlula mpimo swi nga endleka swi nga swifambelana na vuvabyi bya rihuhi-mbyana naswona swi nga va swi vangiwa hi swiyimo swo hambarahambana. Hambiswiritano, ku phoma rihlakakahla ku tlula mpimo swin'we na swikombiso swin'wana eka nongonoko lowu kumbe ku phoma rihlakakahla loku ku humesaka marha hi mpimo wa le henbla swi nga ha va xikombiso swa vuvabyi bya rihuhi-mbyana. Loko mbyana ya wena yi phoma rihlakakahla ku tlula mpimo, ehandle ka xivangelo xo karhi, yi fanele ku kamberiwa hi dokodela wa swiharhi hi ku hatlisa.

5. SWITSHETSHELA

Switshetshela hi swoxe a hi swi kombisa vuvabyi bya rihuhi-mbyana naswona swi nga ha vangiwa hi swiyimo swo hambarahambana. Hambiswiritano, switshetshela na swin'wana swikombiso leswi longoloxiweke laha, kumbe ku khomiwa hi switshetshela hi xitshuketana eka mbyana yin'wana na yin'wana leyi nga tshunguriwangiki eka vuvabyi bya rihuhi-mbyana, swi fanele ku tshama swi ri xivangelo xo vilela naswona na ku lavisiswa hi ku hatlisa hilaha swi kotekekaka hakona.

6. PARALYSIS

Ku khwanyana swirho kumbe ku tsana hi ntoloveloi xikombiso xa vuvabyi bya rihuhi-mbyana xa le ndzhaku. Ku khwanyana swirho swi nga vangiwa hi swiyimo swo tala naswona mbyana leyi khwanyaleke swirho yi fanele ku yisiwa eka dokodela wa swiharhi hi xihatla. Loko swihlanganisiwa na swikombiso swin'wana eka nongonoko lowu, i xikoweto lexi fambelanaka na vuvabyi bya rihuhi-mbyana. Loko vuvabyi bya rihuhi-mbyana byi karhi byi ya emahlweni eka xiharhi lexi vabyaka, swi vanga ku khwanyana misiha loku ya ka emahlweni. Hi ntoloveloi, ku khwanyana swirho swi sungula hi nkolo, kambe eku heteleleni swi anama ku fika miri hinkwawo.

Mbyana leyi nga na vuvabyi bya rihuhi-mbyana yi ta fa ku nga si hela vhiki naswona ku hava vutshunguri bya vuvabyi. Ku sivela vuvabyi bya rihuhi-mbyana lebyi dlayaka na ku tiyisisa leswaku mbyana ya wena (na ximanga) switshunguriwile hi ku ringanelo ku lwsana na rihuhi-mbyana.

Ku kuma vuxokoxoko hi xitalo tihlanganisi na hofisi ya le kusuhya Muthekiniki wa Rihanyo ra Swiharhi, dokodela wa swiharhi loyi a nga riki wa mfumo kumbe Dokodela wa Swiharhi wa Mfumo.

| | |
|--|--|
| Vulawuri: Rihanyo ra Swiharhi | Vulawuri: Swipimelo swa ku Tundza na ku Rhumela Swakudya eMatikweni Mambe |
| Rihanyo ra Swiharhi Riq: +27 12 319 7456, Fekisi: +27 12 319 7218 Imeyili: PA.DAH@dalrrd.gov.za Webusayiti: www.dalrrd.gov.za | Xiyenge xa Ntlakuso wa Rihanyo ra Swiharhi Riq: +27 12 319 6004/6117/6444 Imeyili: info.sps@dalrrd.gov.za Webusayiti: www.dalrrd.gov.za |



agriculture, land reform
& rural development

Department:
Agriculture, Land Reform and Rural Development
REPUBLIC OF SOUTH AFRICA

